



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

LXXXVIII. Kurfürst Johann beleihet Wilke Curdt, Bürger zu Osterburg, anstatt
der Gewandschneider daselbst, mit Hebungen aus den dortigen Mühlen,
am 19. April 1486.

Nutzungsbedingungen

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

LXXXVIII. Kurfürst Johann beleiht Wille Curdt, Bürger zu Osterburg, anstatt der Gewandschneider daselbst, mit Hebungen aus den dortigen Mühlen, am 19. April 1486.

Wir Johans, von gotts gnaden Marggraue zu Brandenburg etc. Churfurst etc., Bekennen vnd thun kunth öffentlich mit dissem vnsern briue vor vnns, vnser erben vnd nachkomen Marggrauen to Brandenburg vnd sunst vor allermeniglich, das wir vnsern lieben getrewen Wilcke Curdt, Burger In vnser Stadt Osterborch, gnediglich verlyhn haben ein halben winpel roggen In der Mollen zu Osterburg vnd einen haluen winpel roggen zu Arxleuenn vff einen hoff, dar itzunds einer gnant Schult vffbauet, zu getrawr hant den gewantsneidern daselbst zu Osterborch vnd wir leyhn dem gnanten wilcke kurt solchen roggen, In craft dits briues, Also das er den an stat der gnanten wantschneider von vnns, vnsern erben vnd der Marggraueschaft zu Brandenburg zu rechtem manlehn haben, nehmen vnd entpaen, vnns auch dar von halten vnd thun, als solcher lehn gnter recht vnd gewonheit ist, so oft des not geschicht, doch vns, vnsern erben vnd nachkomen an vnsern vnd sunst ydermeniglich an seinen rechten on schaden, on geuerd. Czu urkunth etc. Geben zu Osterburg, am Midweke na Jubilate, Anno etc. LXXXVI.

Aus dem Churm. Lehnscopialbuche XXVIII, 148.

LXXXIX. Kurfürst Johann belehut Heinrich Gardelegen, Bürger zu Osterburg, mit Hebungen von einer Stadthuse daselbst, am 19. April 1486.

Wir Johans, von gotts gnaden Marggraue zu Brandenburg, kurfurst etc., Bekennen apenbar mit dissem briue vor vnns, vnse eruen vnd nachkomen vnd sunst vor allsweme, dat wy vnsern liuen getrewen hinrick gardelegen zu Osterborch einen haluen winpel roggenn Jerlicker tinsse vnd Rente ouer eine halue stadthuse darfuluest to Osterborch, die hie vnd syn Bruder Tidicke vormals von vnsem liuen hern vnd vader to manlehne gehat hebbenn vnd im von Im nu angestoruen vnd komen ifs, to einem rechten manlehn verlegen hebbenn. — To Vrkund mit vnserm Anhangendem Insigel verfigelt vnd Geuen to Osterborch, Am Midweke na Jubilate, Anno etc. LXXXVI.

Aus dem Churm. Lehnscopialbuche XXVIII, 148.